

Unda Tucht-college a keda pa sanciona negligencia medico?

Ken lo para responsable pa falta di atencion na eerste Hulp?

ORANJESTAD (AAN) -- For di fuentenan digno di credito DIARIO a ricibi informacion cu tin hende cu sa bin di tera friu y cu nunca di nan bida nan lo a tende kico ta dengue te pa nan sa con peligroso esaki ta pa bida di

hende.

Segun e informante indigna no ta nada straño cu ora un pashent yega cerca nan, manera e caso recien, algun no sa ta kico nan tin nan dilanti, te pa nan bay duna asis-

tencia urgente y saca hende for di su pena of pa scapa un bida?

Na unda esnan cu tin e responsabilidad di averigua kico ta pasando na Eerste Hulp a keda?

Tin poco atencion y sensi-

bilidad di ALGUN docter pa cu dolor humano ora cu ta trata di atende un pashent debilita cu keinturanan halto for di tino y cu no a haci todo por todo pa scapa bida di pashent?

Unda esnan cu mester investiga e caso aki a keda? Paso-bra no ta di prome biaha cu Eerste Hulp of algun docter a yega manda pashent bay muri na nan cas?

Acaso, ta esaki ta loke ta spera Pueblo di Aruba si mester presenta en busca di ayudo medico ta djis manda pashent bay cas bay muri numa, pasobra algun hende a perde sensibilidad pa dolor humano y responsabilidad pa cu bida di hende?

NA ARUBA TA EXISTI UN SUB-REGISTRO PA DENGUE MAL DIAGNOSTICA: No por bisa poblacion cu na Aruba NO TIN DENGUE, pasobra na Aruba nos no tin hende cu sa con pa diagnosticar, algun no sa con pa trata y ora cu nan ta trata nan

ta trata malo.

E registronan di si tin dengue of no tin dengue ta worde mal diagnostica, mal trata y ta pesey no tin registro y e ultimo estadisticanan cu tabata tin ta for di aña '85 cu nan a pone 24.000 caso di dengue.

Esnan cu mester sa con pa acumula e casonan di dengue ta hendenan aki na Aruba cu no tin ni idea ta cual ta e sintomanan y con pa diagnostica dengue.

Si aki na Aruba nos no tin idea, ni estadisticanan ni con pa recoge datonan, anto ta kico ta resta pa haci?

Bisa Pueblo cu no tin dengue, pasobra no tin prueba pa muestra, no tin estadisticanan, anto ban gaña Pueblo bisa nan cu na Aruba no tin dengue!

Asina por busca den henter Antillas, cu tin tres clase di dengue, DEN 1, DEN 2 y DEN 4, pero estadisticanan di dengue na Aruba no ta haya nada, Aruba no ta aparece pasobra nos na Aruba no tin dengue!

Cu Masterplan Desaroyo Nobo...

Gabinete Eman II y III a traha oportunidad pa recreacion controla

ORANJESTAD (AAN): Un comunicado emiti pa vocero di Gobierno, ta indica cu Gobierno ta planea pa futuro. A bini na cla cu e crecemento di industria di turismo mester worde combina cu mantencion di ambiente natural y balornan cultural y historico.

P'esey a desaroya e masterplan Desaroyo Nobo, di cual Parke Nacional Arikok ta forma parti. Aumento di turismo tin como consecuencia cu tin aumento di poblacion, cu tin como consecuencia atrobe cu ta surgi un scarsedad di cas y tereno pa construi cas. Pa ataca e problematica di vivienda y indica na unda y cuanto scarsedad tin, a haci un sondeo den pueblo cu a keda ehecuta dor di e Plan di Vivienda di Gobierno.

E resultado di esaki tabata cu te cu awor a keda registra 8.100 persona di cual un cantidad grandi a haya tereno y ta construyendo nan cas por medio di yudansa financiero di FCCA conhuntamente cu ayudo di e Fondo di Garantia y tambe cu demas institutonan financiero manera banconan. Den e cuadro di e resultado di e sondeo nacional diferente plannan a bin riba mesa pa verkavel tereno pa construcion di vivienda.

NATURALESA CONSERVA: Pa evita cu naturalesa di Aruba ta bin den peliger mester a forma un strategia pa proteha y preservar e bronnan natural, historico y cultural, traha oportunidad pa recreacion controla y un area di site-seeing y un area di reservacion di flora y fauna indigeno di Aruba. Un di e arcanan cu a keda asigna como 'tereno proteha' y estrictamente pa naturalesa ta e area di Arikok, cu a hira e proyecto Parke

Arikok.

Parke Nacional Arikok ta cubri 18% di nos isla. E metanan di e parke ta pa mantene e parti aki di Aruba autentico den su naturalesa y balornan cultural, pa stabilisa y conserva e poblacion vital di nos flora y fauna, pa preservar e rasanan nativo y raro, pa desaroya educacion di ambiente natural y pa desaroya recreacion y turismo den e parke pa nos y pa futuro generacionnan.

Ya a haci hopi trabao di restauracion, limpieza di tereno y a traha wandelpad y lugar pa parkeer auto. A limpia e cuebanan y tin control pa nan no worde susha cu grafiti atrobe. Despues di e awa sero naturalesa ta berde y ta florece. E parke ta muestra masha bunita y por gosa di bistanan bunita y por siña hopi di nos flora y fauna. Preservacion di nos naturalesa ta di suma importancia pa nos y pa nos muchanan.

